

Mahathir hampir pengsan W 25 AUG 1981 sedang berucap

KUALA LUMPUR: Perdana Menteri, Datuk Seri Dr. Mahathir Mohamed disifatkan sebagai Perdana Menteri yang bekerja keras tanpa memikirkan kesihatannya.

Kcadaannya yang hampir pengsan ketika mula berucap di hadapan kira-kia 20,000 orang pengundi di kawasan pilihanrayanya Kubang Pasu satu contoh beliau seorang pemimpin yang tidak cukup rehat.

Beberapa orang tokoh UMNO di sini yang enggao namanya disebut ketika ditemui menyatakan Perdana Menteri itu lebih mementingkan tugasnya dari menjaga kesihatan.

Datuk Seri Dr. Mahathir sebelum ini pernah menasihatkan para menteri supaya bekerja dari lapan hingga enam petang untuk kelihatan lebih muda.

"Kami rasa kata-kata itu tidak dapat dipraktikkan olehnya bila beliau sendiri diserang penyakit 'diarrhoea', katanya.

Mereka tidak percaya penyakit, menyerangnya itu telah dihadapinya lama dulu.

Sebelum ini Datuk Seri tidak pernah kedengaran beliau mengidap sebarang penyakit. Beliau merupakan Perdana Menteri yang tidak pernah mengumumkan keuzurannya baik semasa menjadi Timbalan Perdana Menteri dulu.

Pegawai-pegawai yang pernah bekerja di bawahnya menceritakan bahawa Datuk Seri Dr. Mahathir sering datang awal di pejabat dan pulang lewat.

Beliau dipercayai diserang penyakit itu kerana

kurang rehat tetapi beliau memberitahu para pemberita semasa lawatannya ke Kedah beliau makan semua jenis makanan termasuk 'koay teow' dan lain-lain yang banyak lada.

Lada tidak sesuai dengannya, katanya.

Para pemerhati bimbang, dengan tidak menjaga kerihatan diri dan lebih banyak bekerja, akan membuatnya cepat uzur.

Datuk Seri Dr. Mahathir baru saja pulang dari melawat Indonesia sebelum ke Kedah.

Kerana keuzurannya dan atas nasihat, beliau terpaksa membatalkan lawatan diatur untuknya di Kedah dan pulang ke Kuala Lumpur.

Beliau pemimpin yang tidak suka mengecewakan rakyat Kedah yang sedang menunggu mendengar ucapannya. walaupun di sebelah paginya beliau terpaksa makan ubat.

Beliau tdkak juga membatalkan jadual lawatannya ke Thailand walaupun beliau difikirkan perlu berehat oleh kebanyakan orang.